

ՆԵՐՔԻՆ ՏԵՍՈՒԹԻՒՆ

Հայոց եկեղ. ամուսն. և ամուսնալուծ. գործերը վարելու կարգի մասին:
— Ժամանակաւոր պատճառաւոր գիւղացիների մասին:— Բազուի Մարդա-
սիրական ընկերութեան գրադարանի հարցը:— Դասաստանական դահլիճում:—
Վրաց գրադարանների մասին կարգադրութիւն:— Բարեփոխութիւն միջնա-
կարգ դպրոցներում:— Լիսովեան շէգուով ծպուող գրքերը շափեմական տառերով
ծպելու քոյրութիւն:— Կարգական հաստատութիւնների առանձին վերստե-
ւի պաշտօն ֆիւլեմիայում:— Ֆիւլեմիայի ընդհանուր նահանգապետ
Բորքիկովի սպանումը:— Մամուլին վերաբերեալ կարգադրութիւններ:

Բարձրագոյն Անուանով տրուած Ամենայն Հայոց Պատրիարք
Կաթողիկոս Մկրտիչ I-ի ամենահպատակ բողոքը Կառավարիչ
Սենատի 4-րդ դիպարտամենտի բ. որոշման դէմ, որ տեղի է
ունեցել 1902 թ. նոյեմբ. 15-ին և վերաբերում է էջմիածնի
հայ-լուսաւորչական Սինոդում ամուսնական եւ ամուսնալու-
ծական գործերը վարելու կարգին—անհետեանք է թող-
նուած: Վիճելի ամուսնական գործերի կատարման կարգի մա-
սին Սենատի բացատրութեան մէջ դուրս է բերուած օրէնքից
բղիճող կարգը, որը որոշում է այդ գործերում Մայրագոյն
Պատրիարքի և էջմիածնի Սինոդի մասնակցութիւնը հետեւեալ
կանոններով. 1) Այդ գործերը, ինչպէս «զուտ կրօնականների»
թուին չպատկանող, վճռոււմ են վերջնականապէս, համաձայն
1143 և 1146-րդ յօդուածների, Սինոդի ձեռքով կոլեգիալ ի-
րաւունքով, Պատրիարքի նախագահութեամբ, որ ժամանակ և
նրա ձայնը գերակշռութիւն ունի ձայների հաւասարութեան
դէպքում: 2) Եթէ տրուած գործի առիթով ծագում է բացատը-
րութիւն պահանջող զուտ-կրօնական հարց,—ինչպէս, օրինակ,
եկեղեցական կանոնի գոյութեան և մտքի մասին, կանոնի,
որը համարում է որոշ հանգամանքներ իբրեւ հիմք ամուսնու-
թիւնը ոչնչացնելու կամ լուծելու,—այդ ժամանակ Սինոդը
պարտաւոր է որոշել, Պատրիարքի ներկայութեամբ, իր եզրա-
կացութիւններն այդ առիթով (յօդ. 1132 և 1147) և այդ օ-
րագրելով՝ ներկայացնել Պատրիարքին (յօդ. 1147), որը և կ'ա-

նի իր մակագրութիւնն այդ հարցի մասին: Յետոյ, Սինդըզ-գործը վճռում է վերը՝ առաջին կէտում ասուած կարգով, ճշտորէն առաջնորդուելով յիշուած մակագրութիւնով:

Նոյն այս էջերում մենք մի քանի անգամ առիթ ենք ունեցել խօսելու մեր երկրի այսպէս կոչուած ժամանակատրւարտատրուած գիւղացիների մասին: Ինչպէս յայտնի է, 1861 թ. փետր. 19-ին կայացած ճորտերի ազատութիւնից յետոյ կալուածատէրերի հողերի վրայ ապրող գիւղացիները դուրս գալով ճորտական կախումից՝ կարող էին իրանց հողաբաժինների սեփականատէր լինել, յետ գնելով այդ բաժինները կալուածատէրերից *): Երբ այդ յետ գնումը կատարուէր, ժամանակաւոր-պարտաւորուած գիւղացիները դառնալու էին սեփականատէր-գիւղացիներ. իսկ մինչ այդ գիւղացիները պէտք է օգտուէին իրանց հողաբաժիններից՝ պարտաւորուելով վճարել կալուածատէրերին որոշ տուրք: Այդ յետ գնումը կարող էր կատարուել կամ կալուածատէրերի և գիւղացիների փոխադարձ համաձայնութեամբ, ինչպէս սովորական առուծախք, կամ պետական-վարկային օժանդակութեամբ: Թէ մէկ և թէ միւս դէպքում առանց կալուածատէրերի յօժարութեան գիւղացիները անկարող էին գնել իրանց բաժինները և սեփականատէր դառնալ: Կալուածատէրերի հողերի վրայ ապրող գիւղացիները Կովկասում իրանց հողաբաժիններից օգտուելու համար վճարում են բերքերի որոշ մասը, 30-ից 4-ը: Այժմ Թիֆլիսում կազմուած է խորհրդածութիւն Երևանի, Գութայիսի և Բագուի նահանգապետներից, նահանգների հաշտարար միջնորդներից և ազնուականութեան պարագլուխներներից. այդ խորհրդածութեան նպատակն է բնական ըբերքերով վճարուող տուրքերը փողայինի վերածելու և բացի այդ հողաբաժինների յետ գնման հարցի քննութիւնը:

Ինչպէս յայտնի է մեր ընթերցողներին՝ Բագուի Մարդասիրական ընկերութեան գրադարան-ընթերցարանը փակուած էր իշխանութեան կարգադրութեամբ անցեալ 1903 թուի մարտի 10-ին: Ընկերութեան վարչութեան դիմումը Կովկասի պ. կառավարչապետին՝ թոյլ տալ նորից բանալ գրադարան-ընթերցարանը՝ չյարգուեց այն հիման վրայ, որ ընկերութեան կանոնադրութեան մէջ չկայ գրադարան-ընթերցարան բանալու իրաւունք տուող կէտ: Ի նկատի ունենա-

*) Տես «Մուրճ» 1901 թ., № 3, երես 223—225.

լով այդ բանը, Մարդ. ընկ. վարչութիւնը առաջարկեց յունիսի 12-ին կայացած ընդհանուր ժողովին որոշել՝ դիմել ներքին գործերի պ. մինիստրին, խնդրելով աւելացնել ընկերութեան կանոնադրութեան մէջ գրադարան-ընթերցարան բանալու իրաւունքը: Ընդհանուր ժողովը տուեց իր համաձայնութիւնը:

—

Ներկայ յունիսի 12-ին Թիֆլիսի դատաստանական պալատում քննուում էր երկու գործ, որոնք վերաբերում էին էջմիածնի հայ-լուսաւորչական սինոդի պահանջներին ժողովրդական լուսաւորութեան մինիստրութիւնից հայ եկեղեցու անշարժ կալուածքների մասին (41 խանութ), որոնք գտնուում են Երևանի նահանգի Ալեքսանդրոպոլ քաղաքում և Ղաւարլու գիւղում և որ Կովկասի ուսումնարանական վարչութիւնը խլել էր հայ եկեղեցուց, 1898 թուի մարտի 26-ին Բարձրագոյն հրամանի հիման վրայ: Երևանի նահանգական դատարանը դեկավարուելով 1903 թուի յունիսի 12-ի օրէնքով կալուածները արքունական վարչութիւնների իրաւասութեան տակ ղենլու մասին, գտաւ, որ ներկայումս հոգևոր վարչութիւնը այդ դատի մէջ կողմ չէ, որովհետև նրա պահանջը արքունական կալուածքին է վերաբերում, որի մասին վէճը երկու արքունական վարչութիւնների միջև ենթակայ չէ դատաստանական հիմնարկութիւններին և պէտք է վճռուի երկու մինիստրութիւնների համաձայնութեամբ, վարչական կարգով, և այդ հիման վրայ որոշեց էջմիածնի սինոդի երկու պահանջներն ևս անհետեւնք թողնել և գործը դադարեցնել:

Էջմիածնի սինոդի հաւատարմատար երդուեալ հաւատարմատար Ս. Ս. Մէլիք-Աղամեան հիմնուելով 1903 թուի յունիսի 12-ի նոյն օրէնքի վրայ՝ ապացուցանում էր դատաստանական պալատում, որ այդ օրէնքով պահպանուած է հայ եկեղեցու սեփականութեան իրաւունքը իրան պատկանող կալուածների վրայ, և որ այդ հիման վրայ ներկայ դէպքում խօսք չէ կարող լինել այն մասին, թէ վիճելի կալուածները պատկանում են արքունական վարչութիւններին, որոնց իրաւունք է տրուած միայն կառավարել եկեղեցական կալուածքները: Այդ պատճառով էլ որովհետև Քաղ. Դատ. Կան. 1298 յօդուածի հիման վրայ հոգևոր վարչութիւնների կալուածքներին վերաբերեալ վէճերը ուրիշ արքունական վարչութիւնների հետ ենթակայ են դատաստանական տեղերի վրձուին ընդհանուր սահմանուած դատաստանական կարգով, Մէլիք-Աղամեանը անկանոն գտնելով Երևանի նահանգական դատարանի վճիռը՝ գործը դադարեցնելու մասին, խնդրում էր

դատաստանական պալատին հարցուփորձի ենթարկել իր մատնացոյց արած վկաներին՝ վիճելի կալուածքների վրայ հայ եկեղեցու ունեցած իրաւունքների վաղեմութեան մասին:

Ուսումնարանական շրջանի լիազօր պ. Կէնգէրլինսկի խնդրում էր պալատին հաստատել Երեւանի նահանգական դատարանի վճիռը որպէս կատարելապէս կանոնաւոր՝ առանց հետեւանքի թողնելով էջմիածնի սինոդի հաւատարմատարի միջնորդութիւնը:

Պրոկուրորի օգնականը այն կարծիքը յայտնեց, թէ պէտք է յարգել Մէլիք-Աղամեանի միջնորդութիւնը:

Դատաստանական պալատը որոշեց. Երեւանի նահանգական դատարանի միջոցով հարցուփորձի ենթարկել էջմիածնի սինոդի հաւատարմատարի մատնացոյց արած վկաներին այն մասին, թէ հայ եկեղեցին վաղուց տիրում է վիճելի կալուածքներին:

«Մշակ»

«Ճնորհիւ-Փուրցելի» լրագրի ասելով տպարանների, գերավաճառանոցների և գրադարանների վերատեսուչը յայտնել է վրացիների մէջ գրագիտութիւն տարածող ընկերութեան վարչութեանը, թէ այդ ընկերութեան հսկողութեան տակ գտնուող Թիֆլիսի գրադարանները այսուհետեւ պէտք է ենթարկուեն ժողովրդական գրադարանների մասին գոյութիւն ունեցող կանոններին: Այդ կանոնների համաձայն յիշեալ գրադարաններում չեն կարող թողնուել վրացերէն գրքեր ու պարբերական հրատարակութիւններ: Վերատեսուչը 2 ամիս ժամանակ է տուել, որ վարչութիւնը լուսաւորութեան մինիստրից թոյլտուութիւն խնդրէ այդ մասին: Իսկ մինչև այդ հարցի լուծումը վրացերէն գրքերն ու թերթերը պէտք է վերացուեն գրադարաններից:

Լուսաւորութեան մինիստր գեներալ-լէյտենանտ Գլազով ուսումնարանական շրջանների հոգաբարձուներին ուղարկած շրջաբերականում առաջարկում է 1904—1905 ուսումնական տարուայ ընթացքում յունարէն լեզուի աւանդումը դարձնել ոչ պարտադիր: Այդ լեզուն վերջերումս աւանդում էր գիմնազիանների V-րդ դասարանից սկսած ցանկացողների համար. դրանցից որոնք փոխադրւում են VI-ը, պէտք է պարտադիր սովորէին միանգամ ընտրած այդ հին լեզուն: Այժմ այդ պարտադիր ուսումից ազատւում են և այդպիսիները, և առհասարակ յունարէն լեզուն դառնում է լրացուցիչ, ոչ պարտադիր. առարկայ, իսկ շաբաթական այն ժամերը, որ յատկացրուած է-

ին յունարէնի դասական դութեան, աւելացրուած են ռուսերէնի, լատիններէնի, ֆիզիկայի, պատմութեան և ֆրանսերէնի դասերին:

Ապրիլի 24-ին Բարձրագոյն հաստատուած է մինիստրներէ կոմիտեոյ որոշումը, որով թոյլատրուած է Ռուսաստանում տպել լիտովեան լեզուով գրքերը՝ մինչև 1863 թուականը ընդունուած լատինական ձևի տառերով, որի փոխարէն հրամայուած էր գործադրել միմիայն ռուսական տառերը: Լիտովցիներէ թիւը Ռուսաստանում հասնում է մօտ 3 միլլիոնի: Լիտովական ազգը պատկանում է հնդկա-եւրոպական ընտանիքին և իր լեզուով բռնում է գերմանականի և սլաւոնականի միջին տեղը:

Բարձրագոյն հաճութեամբ Ֆինլանդիայում հիմնուած է ռուսաց դպրոցական հաստատութիւնների առանձին վերատեսչի պաշտօն. նա կ'ունենայ առանձին կանցելեարիա և գործաւար:

Յունիսի 3-ին Ֆինլանդիայի մայրաքաղաք Հելսինգֆորում սպանուեց գեներալ-ադիւտանտ Նիկոլայ Իվանովիչ Բոբրըլիկովը, որ 1898 թուականից նշանակուած էր Ֆինլանդիայի ընդհանուր նահանգապետ և ֆինլադական զօրքերի հրամանատար: Ռուս. հեռագրական գործակալութեան հաղորդածով «յունիսի 3-ին գեներալ-ադիւտանտ Բոբրըլիկովը՝ առաւօտեան ժամը 11-ի մօտերը ոտով եկաւ սենատի շէնքը: Արձակելով իրան ուղեկցողներին, գեներալ-նահանգապետը մենակ մտաւ նախագաւիթը և բարձրացաւ սանդուխքով: Միջին յարկի նախարարուած գեներալ-նահանգապետի վրայ 3 անգամ ատրճանակ կրակեցին: Մէկ գնդակը քերծեց նրա կուրծքը, դէմ առնելով Վլադիմիրեան շքանշանին, երկրորդը վտանգաւոր վնաս հասցրեց փորի մասին և երրորդը թեթեւ կերպով վիրաւորեց վիզը: Ատրճանակի ձայնից օգնութեան վազեց սենատի ծառան: Ոճրագործն ատրճանակի երկու հարուածով սպանեց իրան: Չնայելով ծանր վէրքերին՝ գեներալ-նահանգապետը մենակ մտաւ նիստի դահլիճը և սենատորների հարցերին պատասխանում էր՝ հանգստացնելով նրանց: Ջգեստի վրայ երևացող արիւնից սենատորները նկատեցին, որ գեներալ-նահանգապետը վիրաւորուած է: Սկզբնական վիրակապութիւնը կատարեց այն ըօպէին հրաւիրուած զինուորական բժիշկը: Երբ գեներալ-նահանգապետին տեղափոխեցին իր տունը, կոշուած

պրոֆեսսորներն անհրաժեշտ գտան կլինիկայում օպերացիա անել: Լիակատար գիտակցութիւնը պահպանած լինելով՝ գեներալը կարգադրութիւններ էր անում և հաղորդուեց: Կէսօրուայ ժամը 1-ի մօտերը գեներալ-նահանգապետին պատգարակներով տարան կլինիկա, ուր անմիջապէս օպերացիայի ենթարկեցին, որ տևեց 55 րոպէ: Հանեցին գնդակի կտրած վընասուած բարակ աղիքի մասը և գնդակը: Արիւնհոսութեան պատճառով սրտի գործունէութիւնը սկսեց թուլանալ և դրութիւնը յուսահատական դարձաւ: Գիշերուայ ժամը 1-ից 7 րոպէ անց գեներալ-նահանգապետը հանգիստ վախճանուեց: Մարդասպանը դպրոցական մասի գլխաւոր վարչութեան աստիճանաւոր Եւգենիյ Շառումանն է, 1900 թուին արձակուած սենատոր Շառումանի որդին: Անմիջապէս ձեռնարկուեց նախնական քննութեան: Մասնակիցները չեն գտնուել: Ազգաբնակութիւնը հանգիստ է»:

Մամուլին վերաբերեալ կարգադրութիւններ.

—«Прав. Вѣст.»-ում տպուած է. «1904 թուի մայիսի 28-ին: Ի նկատի առնելով «С.-Пет. Вѣд.» լրագրի «նկատողութիւններ» վերնագրով յօդուածները (№ № 135 և 137, մայիսի 20 և 22-ին), որ իզուր վրդովեցին հասարակական կարծիքը, ներքին գործերի մինիստրը մամուլի մասին եղած օրէնսդրութեան 1890 թուի հրատարակութեան օրէնագրքի XIV հատորի 144-դ յօդուածի հիման վրայ որոշեց. յայտնել «С.-Пет. Вѣд.» լրագրին երկրորդ նախազգուշացում յանձին նրա հրատարակչի՝ իշխան Էսպեր Ուխտոմսկու և խմբագրի՝ ազնուական Ալեքսանդր Ստոլլիպինի:

—«Кав.» պաշտօնական լրագրում կարդում ենք. «Թիֆլիսում, Տիգրան Նազարեանի խմբագրութեամբ հրատարակուող «Տարազ» շաբաթաթերթի փնասակար ուղղութեան պատճառով՝ Կովկասի իշխան կառավարչապետը ցենզուրական կանոնադրութեան 154-դ յօդուածի ծանօթութեան հիման վրայ՝ անհրաժեշտ համարեց դադարեցնել այդ շաբաթաթերթը և նրա յաւելուած «Աղբիւր» ամսագիրը չորս ամսով»:

—Ցենզուրական օրէնքների 121 յօդուածի հիման վրայ Թիֆլիսում անցեալ տարիները հրատարակուող «Аргонавтъ» լրագիրը, որի հրատարակչին էր ազնուական Իվան Տխորժևսկին՝ դադարեց: Իսկ օրէնքի այդ յօդուածը հետեւեալն է. «Ամեն մի պարբերական հրատարակութիւն, որը մի որևէ պատճառով մի ամբողջ տարի լոյս չէ տեսնում, համարում է